

بِسْمِ اللَّهِ الرَّحْمَنِ الرَّحِيمِ

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

18 Octobre 2019

19 Safar 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor : **AL-HUJURAT : GHIBBAT (PARTIE 6)**

L'islam c'est ene tel religion ki tous problèmes, Allah fine mette so solution pour résoudre sa bane problème là, et aussi fine enseigne l'homme couma pou amène so la vie.

Malgré ena sa bane l'enseignements divines là, mais bane problèmes là pé continuer grandi tous le jours, couma mo ti pé explique ou dans mo Khutba Jummah vendredi passer lor relation entre belle-mère, belle-sœur, et belle-fille, ki kalité problème lever dans ene ménage, couma belle-mère bizin traite so belle-fille et pas crée problème dans ene ménage et couma ene belle-fille aussi bizin traite so belle-mère et faudré pas remplie zoreille so mari, pour faire li éloigner avec so maman et bane les zot membres de so famille. Pourtant kan Quran fine mentionne le sujet de mariage, bé li fine mentionne li dans ene tel façon ki couma dire bane mamans, papas de deux coté – ki li de coté madame là et de coté missié là – fine mentionne le sujet de *Rehem* ; ene sujet ki applique égale de deux cotés.

Donc, dans sa sens là, nous bizin essaye faire réforme de la société et là aussi c'est le « *Ghibbat* » même ki cause pli mauvais l'effet. Kan même li belle-mère et belles-sœurs ki pé faire « *Ghibbat* » de belle-fille ou sois c'est belle-fille là ki pé faire zot « *Ghibbat* » are so mari. Et chaque fois li pé dire mari là ki : « *Mo ene victime, zot*

faire tel dominare [Zulum] avec moi, zot bouffonne moi et zot faire tel, tel traitement are moi. » Et belle-fille là cause sa d'ene tel façon are so mari pou li excite mari là. Li faire sa pour ki mari là ena de la haine pour bane là. Et li incite li à la violence.

Donc, sa c'est pas ene zéffort béni. Au contraire société gâter avec sa. Donc, sa même sa sujet de sappe avec « *Ghibbat* » là. Si ou guette sa en référence avec l'amour pour Allah et So Rassool, bé lerlà li pou vine facile. Parfois kan ou guette tous les deux cotés, ou pou trouver ki du point de vue religieux zot pas si mauvais ki sa. Li couma dire bane compartiments et maladie fine attaque ene partie de bane compartiments, tandis ki bane les autres compartiments zot en bonne santé. Zot ena certaines bonnes qualités aussi et zot écrire pour demande *duahs* pour ki zot gagne l'amour d'Allah dans zot. Parfois bane madames écrire à propos de zot mari kot li ena juste ene ti faiblesse, sinon li correcte, li bien pieux et li faire le *Salat*, li attacher avec le *Deen*, avec la vérité ki vine de Allah. Alor si ou cause are li, li pou écouter !

Donc, dans sa cas là, la maladie pas fine attaque tout le corps ; li fine attaque seulement ene partie. Pour sa bane dimounes ki zot cancer pas encore fanner, kot li limiter à certaines places seulement, bé ena pli chance ki capave guéri zot. Alor, si dans les autres parties du corps ena l'amour d'Allah et l'amour du prophète (saws) bé lerlà, partie ki malade là aussi capave guéri avec sa. Pense lor Allah avant ou faire kit action, c'est-à-dire, c'est ki ou penser, eski Allah ti pou content avec bane actions ki ou fine faire ou sois ou pou alle faire? Et de plus, eski Allah So Rassool pou content ?

Alor penser bien avant ou faire ene kitchose, pense lor so conséquences lor ou la vie spirituel et aussi lor ou la vie de tous les jours. Bé lerlà kot sa bane *duahs* ki ou dire ki ou fine faire pou l'amour d'Allah là pou aller, surtout si ou faire bane zaffaires ki ou conner Allah et So prophète pas content ?

Donc, conduite ki ene dimoune ena et si inconsciemment li pé continuer lor ene chemin ki Allah pas content, bé sa veut dire ki li pé coupe so connexion d'amour avec Allah. Hazrat Muhammad (saws) aussi fine mentionne sa exactement comme sa. Li fine dire, si ou coupe ou connexion avec bane dimounes, bé ou pou coupe aussi ou connexion avec Allah.

Donc, que ce soit la belle-fille qui fait tout pour son mari coupe connexion avec ses familles ou soit si c'est ses familles là qui font tout pour son mari la coupe connexion avec sa madame, à ce moment là tous zot bane les restes bonnes actions pas pour vaut rien. Et pareil comme le Saint Prophète (saws) a bien dit, que Allah aussi coupe son lien avec bane tel dimoune. L'là bane z'enfants qui grandissent dans bane tel famille, zot gagnent bane mauvaises conduites, mauvaises morales. Et bane garçons et bane filles de bane tel familles, kan zot marient dans bane les autres familles, bé zot répandent sa mauvaise conduite là. Et l'là sa vine comme une épidémie.

Alors pour redresser l'environnement de la communauté, ou bien comprend sa bane affaires là. Ou bien comprend zot bane racines. Et si ou pas connait examiner correctement, bé comme ou pour guérir sa bane dimoune malades là ? Li ne suffit pas pour faire bane discours et dire arrête de faire le « *Ghibbat* » ; ou bien explique li bien en détails et si bien que jamais l'là sa fléau de contraindre dimoune là pour gagner le dessus dans le cœur. C'est le cœur qui pour gagner le dessus lors sa bane maladies là. Zot pas pour ouler rentrer là-dans de tout. Sa bane affaires là parfois zot aller dans la profondeur du cœur et ensuite zot commencent à rouler dans le sang aussi. Pareil comme Hazrat Muhammad (saws) a bien dit que Satan pé rouler dans le sang de tous bane dimoune. L'là bane là a bien demandé : Eski dans ou la veine aussi li pé rouler ? Li a bien répondu : Oui, mais seulement li vine une musulman ; li vine soumise.

Donc, c'est une affaire qui ou capote change sa nature, ou capote gagne le contrôle total lors sa l'envie de commettre le mal là, de sorte que sa l'envie là vine sourde, muet et aveugle, parce que de partout ou bien gagne le contrôle lors li. Alors ou bien comprend le « *Ghibbat* » d'une telle façon que ou gagne le contrôle total lors li. Li bien comme une affaire qui ou enterrer vivant pour que jamais li cause ou de tort encore. Donc, dans la vie de tous les jours kot-kot ou faire bane tel chose, bé ou bien penser lors là : Qui fait ou pé faire tel choses ? Eski ou pé prendre plaisir là-dans ? Et si ou bien gagne plaisir, bé qui fait ou bien gagne sa plaisir là ? Si ou ressente une plaisir à faire sa, bé li veut dire que ou pas bien arrêter de manger la chair de cadavre de ou frère.

Donc, moi penser que sa c'est une affaire contre laquelle nous bien faire une *Jihad*. Si nous réussissons à gagner le dessus lors le « *Ghibbat* », bé li pour une grande réalisation. Dans certains Jamaat bane z'hommes aussi font « *Ghibbat* » ; bane madames

aussi pé faire le « *Ghibbat* ». Li couma dire zot ene groupe de bane dimounes ki mange cadavres de zot bane frères. Zot pas gagne plaisir dans mange bon la viande, mais zot jouir kan zot mange cadavre. Ce ki veut dire ki zot pas fine développe sa goût pou mange bon kitchoses là.

De ce fait, ene dimoune ki prend plaisir pou mange la chair cadavre, bé li très difficile pou retire li de là-bas, parski li fine développe sa goût négatif là. Sa bane kalité dimounes là zot bizin faire *Istighfar* et zot bizin demande pardon et zot bizin fermement décider ki zot pas pou plonge dans *backbiting* (la médisance – « *Ghibbat* ») encore. Parfois kan ou pas accompli droit ene réunion [c'est-à-dire, ene meeting kot ou zoine bane dimounes], là aussi li couma dire ene crime. Parfois arriver kan nous zoine ensemble [ki li ene réunion mondaine ou spirituel aussi] et fine faire référence are ene dimoune ki tous dimounes conner sans ki mentionne so bane faiblesses, et sans l'intention de faire le « *Ghibbat* » fine mentionne li, alor si l'intention pas ti mauvais, li pardonnable, mais si par exprès ou rode faire du tort ene dimoune, sa li grave. Si ou sorti dans réunion là et ou alle fanne sa en dehors, bé à ce moment là, ou pé casse ene *Amanat* [ene dépôt, ene confiance ki sa bane dimounes là fine place lor ou]. Parski sa aussi Hazrat Muhammad (saws) fine dire ki bane zaffaires ki ou tender dans ene réunion, li ene *Amanat*. Et li ene péché pou alle fanne sa en dehors, sans permission.

Donc, lor là aussi ou bizin prudent. Mais mo pou dire ou kot li ene *Amanat* et kot li le droit dire public kot ou faire zot conne sa. Kot c'est ene zaffaire ki pou faire revivre la foi de bane dimounes, bé là-bas ou capave alle raconte bane les autres dimounes ki ti absent, parski c'est ene bon zaffaire, mais si dans ene réunion fine mentionne ene zaffaire lor ene dimoune et si ou alle propage sa en dehors, bé li pou alle créer la haine pou sa dimoune là, bé à ce moment là li illégal ki ou alle propage sa en dehors et ni ou bizin alle dire sa dimoune concerner là. Si zamais ena pou ré-dire sa, bé ou bizin prend la permission avec sa dimoune concerner là [le chef de sa meeting là] avant.

Si nous capave établie lor sa principe là, bé lerlà nous capave fini totalement avec le « *Ghibbat* ». Li important ki mo présente bane Hadiths très important lor sa sujet de « *Ghibbat* » là. *Insha-Allah*, dans bane semaines à venir, mo pou cherche bane Hadiths lor sa sujet là et présente li devant ou. Mo pou bizin faire ene break de 2 à 4 vendredi lor sa sujet de Al-Hujurat (Chapitre 49 de Quran Shareef) et le

« *Ghibbat* », et après, *Insha-Allah* mo pou contigne lor là, kot mo pou présente ou sa bane Hadiths là.

Mo espérer ki tous bane musulmans, bane membres du Jamaat Ul Sahih Al Islam et l'humanité entier comprend sa bien et nous, le Jamaat Ul Sahih Al Islam pou essaye protège nous conduite parski nous fine créer comme bane témoins pour [corrige] bane conduites du monde entier [et nous bizin redresse nous-mêmes]. Ki Allah (swt) donne nous sa capacité pou accomplir sa statut là et sa bane demandes ki ena lor nous là. *Ameen*.

ANNONCE LOR PROCHAIN ÉLECTION GÉNÉRALE À MAURICE

Couma zot conner, Dimanche le 06 Octobre 2019, le Premier Ministre, Pravind Jugnauth lance ene « *Breaking News* » après ki li fine faire le lancement de Métro Léger, Jeudi le 03 Octobre 2019 et ki ti financer par le Gouvernement de l'Inde et kot ti ena aussi ene discours en direct dépi L'Inde par le Premier Ministre Narendra Modi, et c'est juste après sa ki Pravind Jugnauth, sous l'instruction de so bane Guru et conseillers, sans réfléchi, Dimanche le 06 Octobre 2019 dans l'après-midi, li annonce la dissolution du parlement et annonce élection général le 07 Novembre 2019, et il applique so l'autorité avec ene tel l'arrogance ki l'enregistrement politique pou faire pendant 3 jours : Mercredi 09 Octobre à Vendredi 11 Octobre et le Nomination Day le 22 Octobre, et kot finalement élection général pou faire le Jeudi 07 Novembre 2019. Saki étonnant là-dans c'est ki li fine presser pou annonce sa après sa lancement là malgré ki li ti ena tout so létemps ziska environ Mars ou Avril l'année prochaine pour annonce élection général.

Le 01 et 02 Novembre congé public et le 03 Novembre c'est ene Dimanche. Malgré sa, li pas choisir sa bane dates là. Mais c'est la panique et ene peur attention li perdi sa pouvoir là ki li fine annonce sa, surtout avec tant de scandale ki fine passer dans so gouvernement, kot alor le 06 Octobre li annonce élection pour le 07 Novembre. Li donne seulement ene délai de 1 mois seulement pou faire élection. Li pas donne le temps pour les autres partis politiques pou prépare zot. C'est vrai ki après 5 ans (2014-2019) ti bizin dissoudre l'assemblée vers la fin de décembre 2019. Mo pas ouler alle trop en détails lor sa sujet là, mais saki déplorable, la date élection ki li fine fixé li tombe ene Jeudi kot ena bane l'examens de School Certificate (SC) et Higher School Certificate (HSC) ki pou ena

lieu sa jour-là. Alor le 06 Octobre même, bane fonctionnaires de la Commission Electorale fine bizin réuni pou trouve bane places différents de bane centres de vote [habituelles] pou pas perturbe la tenue de sa bane l'examens là.

Donc, lor 941,719 électeurs, 104,903 électeurs pou bizin le 07 Novembre, vote dans ene l'endroit différent de celui kot zot ti ena l'habitude alle voter. Sa c'est bane tac-tic ki fine employer pour ki bane jeunes étudiants de SC et HSC pas gagne le temps pou réfléchi ki parti politique zot pou bizin alle voter parski zot pou bizin concentrer zot plisse lor zot l'examen finale ki très important.

Bane étudiants ki en plein l'examen zot pou bien tracasser ce jour d'élection là kot pou ena beaucoup embouteillages et kot zot capave alle en retard dans la salle l'examen. Le flou persister beaucoup lor sa zaffaire là. Bane jeunes étudiants ki fine arrive l'âge de voter pé montrer zot désaccord et colère et pé dire ki le gouvernement pas pé pense à tout sa et alor zot tout pas pou gagne sa chance pou voter là et li pou bien dommage.

En plisse de sa, bane embouteillages pou porte aussi ene l'effet négatif lor l'emploi du temps de sa bane candidats [étudiants] là. Ena les autres candidats ki zot, zot dire ki c'est ene mauvais choix pou tenir bane élections le jour même ki zot bane l'examens, surtout kot bane votes de bane jeunes zot bien importants.

Pour moi (le Khalifatullah), le droit de vote équivaut à gagne l'avenir de Maurice en main pour ki li pas tombe dans bane mauvais la mains. Alor, tous bane électeurs bizin conne faire bane bons choix, sans mette communalisme là-dans et zot aller et alle accompli zot droit civic pou élire bane dimounes ki honnêtes, ena la main propre et la tête haute, afin ki nous tous bane Mauriciens nous gagne ene meilleur l'avenir, ene l'île Maurice meilleur, ene l'île Maurice propre pou nous bane futures générations.

Mo fine rencontre bane jeunes ki fine exprime zot l'opinions avec moi et zot frustrer et en colère ki ene Premier Ministre fine capave prend ene tel mauvais décision ki à l'encontre de droit et l'intérêt de bane jeunes, kot zot dire ki li pas ene bon zaffaire ditout ki li fine fixé élection générale en même temps ki zot bane l'examens et zot fine dire moi ki zot fine arrive l'âge pou voter, zot et zot bane camarades, mais avec pressions l'examens et maintenant avec pression sa prochaine élection là, zot pé perturber par sa, et donc, li possible ki zot pas alle

voter parski zot pou préfère concentrer plisse lor zot l'examens, parski sa même pé fini affecter zot moralement.

C'est ene cafouillage terrible et surtout le lendemain, vendredi le 08 Novembre 2019, sa jour là c'est Jummah kot beaucoup bane musulmans ki pou alle travaille pour le *Counting*, pas pou gagne Jummah, et pour nous bane musulmans le Jummah li extrêmement important, et li faire partie de nous la foi pou accompli sa devoir là envers Allah, kot nous fine gagne l'instruction divine pou nous quitte tous nous bane travaux pou nous alle accompli le Jummah et ensuite pour nous disperser pou nous alle cherche bane faveurs d'Allah.

Ene ministre ki pas réfléchi pour le bien-être de so peuple [et li dire li dans ene l'alliance Mauricien], ki réfléchi seulement pour li tousel, pour so propre gain, sa li bien condamnable et dangereux, surtout pou l'avenir de nous bane zenfants demain. Li donne élection couma zéclair coumsa zot tous pas gagne le temps faire ene bilan de so gouvernement et alle voter vite-vite sans réfléchi, et alor li croire ki li pou capave vine au pouvoir encore, cette fois-ci en étant élu par le peuple. Li pé tire nous le bras avec bane méthodes déplorables ki pas digne d'ene l'île Maurice moderne !

[Certains] bane politiciens malheureusement ici à Maurice attaque zot bane camarades dans le plan politique dans bane façons bien dégoûtant, ki pas digne d'ene l'île Maurice moderne et éthique. Zot servi toutes sortes kalités stratégies, ene pli malangue ki l'autre pou dénigrer zot camarade, et sa li bien dommage, car la politique li bien en retard lor l'évolution de la nation mauricienne. Bane mauriciens dans zot grand majorité ouler ki bane politiciens ki zot faire confiance tenir zot bane paroles et faire séki zot dire zot pou faire, mais selman tout en restant dans le droit chemin, et pas faire Maja-Karo avec l'argent le peuple. Zot ouler bane dimounes ki pou conne administrer sa pays là en préservant zot dignité et zot bane principes morale. Zot ouler trouve la moralité dans le cercle politique et non pas communalisme kot sakaine pé rode protège so montagne.

Nous ouler ene leader [chef] et bane tels représentants ki pou travail vraiment pour l'intérêt de sa pays là, ki pense en terme de Mauricianisme et non en terme de communalisme. Bane tels représentants de Maurice ki pou prend bane décisions pou l'intérêt de Maurice et pou conne gère la caisse nationale en toute honnêteté.

Azordi jours bane Mauriciens ouler plus de respect dans le débat public et ene politique plus civilisée et conforme à nous siècle et à l'évolution de nous bane jeunes. Malheureusement, la plupart de bane politiciens azordi jours pé servi bane stratégies dégoûtants, ki pas dignes d'ene l'île Maurice moderne, en 2019. Et nous pé trouver commié bane coups bas ki pé servi pour sa bane élections là. Mais c'est à bane mauriciens pou faire preuve de maturité. [Mo pas pé passe le mot d'ordre pou vote kit parti politique. Sakaine bizin servi so l'esprit et conne voter].

La radio et la télévision nationale (MBC) fine vine ene l'appareil de propagande pour sa gouvernement [présent] là et pour Mons. Pravind Jagnauth, et c'est nous, le peuple ki bizin tous le mois payer pou guette sa télévision national là ki dans l'intérêt ene sel kalité, et non pas la masse – kot li pas impartiale du tout [li pas traite zot tout égale ditout]. Penser bien ki sakaine ena so droit dans sa pays là, et sak religion, et même bane différents groupes dans ene même religion (e.g. l'Islam), ena plusieurs groupes, et alor sa pas veut dire ki passe ene sel groupe tous les temps !

Sak mauricien bizin faire so droit civique ; c'est ene privilège zot pé gagner pour zot choisir ene gouvernement la tête haute, la main propre. Et *Insha-Allah*, nous faire *duahs* et nous prend en même temps action pou ki demain nous ena ene télévision national, ki pas faire parti pris pour kit ce sois. Mais malheureusement li pas comme sa et bane mauriciens pé bizin paye les pots cassés. Zot pé obliger paye ene télévision nationale ki zot pas envie guetter et alor, zot fer double dépense pou alle paye ene l'autre l'antenne télévisé pour regarde bane les autres chaînes.

Le peuple pé souffert et le gouvernement présent fine faire Maja Karo durant zot mandat de Décembre 2014 à Octobre 2019. Mo pou mette devant zot ene la liste de bane biens acquis par bane députés sortants:

- Terrains ki fine achetés par 10 élus: Rs. 65 millions.
- Acquisitions ki fine faire par bane conjoints de 6 élus: Rs. 56 millions.
- Emprunts contractés par 20 élus Rs. 168 millions.
- Véhicules [Machines] ki fine prend en leasing par 8 élus: Rs. 13 millions.

L'argent pour sa élection générale, beaucoup l'argent fine semer. Ena pé amuser beaucoup, et sa bane là c'est bane ki très proche avec sa bane politiciens là. Fine ena bane l'affiches, banderoles, la vente de *Briani*, bane locations de voitures, van et autobus et aussi pé donne bane dimounes bane bons pou zot alle mette l'essence pou zot machines (l'auto, etc.) pour ki zot prend bane dimounes pou vine assister zot bane meetings.

Zot faire tout sa seulement pour gagne la foule ; 40,000 à 60,000 l'affiches pour rassemblement national et 20,000 pieds carrés oriflammes et plusieurs *Degs Briani* pour bane meeting national, et aparte pour bane congrès ou réunions, ena dépenses pour bane la tentes, et chaises. Zot prend location d'ene centaines bus pour ene meeting national. Kan ou calcule tout sa là, ou trouver ki sa fine capave coûte Rs. 2,500 à Rs. 3,000 pou ene bus seulement, si le lieu pas loin et Rs. 4,000 si li loin. Et en plisse de sa, attire la masse aparte sa, et embête zot par faire zot alle amuser après bane meeting kot la mer avec bane la boissons. Bane bus endommagé, l'argent gaspillé.

Kan ou réfléchi tout sa, avec 5 ans ki zot ti au pouvoir, kot kot tous sa bane millions là fine aller ! Zot pas tire sa de zot propre poches. Firmes privées aide zot beaucoup là-dans et zot bizin conner, kan zot faire sa, ena bane conditions ki zot bizin abide [accepter] kan zot vine au pouvoir, kot finalement Mauriciens népli vine propriétaire Maurice mais c'est bane les autres ki pé vine prend Maurice pou zot.

Mo pou bizin arrête là même pou azordi. Nous bizin faire beaucoup *duahs* pour ki Allah (swt) Le Tout-Puissant envoie à la tête du pays bane dimounes honnêtes, la tête haute et la main propre, bane tels dimounes ki pou lutter contre la corruption, et le gaspillage, et ki pou travaille pour la justice sociale, et ki pou ena à l'esprit pou baisse bane alimentations [manger-boire] et redresse l'économie. *Insha-Allah*, avec *duahs* et l'aide d'Allah, bane kitchoses impossible capave vine possible. *Ameen*.